

Prouinciæ Hispaniarum, seu Barchi- nonen. Deputationis Vicarij Generalis.

Eñe Dñe. **N**^E EE. PP. grauentur onere reassumendi
sub die 26. Septembris 1704. , in qua non fuit proposita, iuuat in
facto repetere, qualiter Reuerendissimus Modernus P. Prior Ge-
neralis Ordinis Seruorum, cum non potuerit per se ipsum interesse
Capitulo Prouinciali Hispaniarum, vtendo ordinarijs suis facul-
tatibus, deputauit ibidem in Vicarium Generalem A.R.P.M. Lau-
rentium Raymundinez Principalem, qui ita se gessit, vt comple-
to pacificè Capitulo, cupiens ipse Pater Generalis sese certiore
reddere de statu Conuentuum, ac moribus Religiosorum dictæ
Prouinciæ, idoneitatem dicti P. Raymundinez expertus, eundem,
deputauit in Vicarium Generalem illius Prouinciæ cum iuribus,
ac facultatibus omnibus, quibus cæteri Vicarij frui, & gaudere
solent, prout in litteris patentibus alijs per nos datis, & in Sum-
mario Partis Aduersæ impresso relatis Num. prima.

Contrà hanc deputationem statim, ac de ea notitiam habuit, insurre-
xit A.R.P.M. Felicianus Melich Aduersarius, Modernus Prouincia-
lis prætendens, P. Generalem in ea excessisse proprias facultates,
adeò, ad eum compellendum debitæ obedientiæ coactus fuerit
P. Raymundinez Principalis expedire Monitorium coram A. C. ,
super executione, & obseruatione dictarum litterarum patentium,
quo legitimè præsentato, prædictus Pater Prouincialis habito re-
cursu ad Auditorem Sanctissimi obtinuit, præuia auocatione ab
A. C. , Causam remitti ad hanc Sacram Congregationem, ideò
cum in præsentia, audito P. Procuratore Generali totius Ordinis, ab
Eminentissimo, & Reuerendissimo Domino Card. Gabriellio pro-
ponatur, videtur omnino rescribendum = *Deputationem P. Ge-
neralis in Vicarium Generalem Prouinciæ Hispaniæ in personam
P. M. Laurentij Raymundinez, subfineri, & Patrem Prouincialem
teneri parere dictis litteris patentibus, ac pro executione ad Reu.
D. Nuntium Apostolicum in Regnis Hispaniæ commorantem, prout
humillimè supplicamus, & Voti compotes ex EE. PP. iustitia, &
æquitate euadere speramus.*

Siquidem de omnimoda P. Generalis libera facultate deputandi
huiusmodi Vicarios Generales non potest dubitari, cum ei compe-
tat ius delegandi non solum de iure communi, tanquam Ordina-
rio totius suæ Religionis vsque à momento suæ electionis, vt do-
cent Portell. dub. Regul. verbo *Prelatus in add. num. primo, & 2.*

P. Bordon. controu. 45. num. primo, Donat. rer. Regul. par. 3. tractat. 9. quest. 4. num. 3., Aluifet. de priuileg. Regul. sect. 3. cap. 23. §. primo num. primo, & 15., clar. mem. Card. de Luca de Regular. discurs. 8. num. fin., sed in specie ius deputandi Vicarios ex ipsa Constitutione totius Ordinis Prælati conceditur sub Cap. 31. de Officio, & potestate Vicarij, ibi = *Vt iussis de causis impediti alijs vices suas committere possint*, = & quidem ab ipso P. Generali, quod deputentur, ibi = *Vicarij Generales, qui transmitti solent in Hispaniam, Galliam, Germaniam, Corsicam, & Sardiniam*, = & hoc absque yllo temporis, seu actus præfixione, sed ad nutum, ibi = *Vicarij omnes substituti sint amouibiles ad nutum substituentium Superiorum*, = & prout latius in ipso Capitulo aliàs per nos allato, & in Summario Partis Num. 3., quam, & similes sanctiones esse omninò pro lege seruandas, tradit Lezzan. summ. quest. Regul. part. prima cap. 8. num. primo, & per tot., Aluifet. de priuileg. Regul. sect. 4. dub. 23. num. 23., Rota decis. 740. numer. 2. coram Emerix Iun.

Quam liberam facultatem P. Generalis frustrà exaduersò restringi, & coarctari prætenditur ad solum casum celebrationis Capituli ex illis verbis eiusdem Cap. 31. = *Verùm quoniam nisi hac facultas constituendi Vicarios lege coerceatur plura scandala parere solent, statuimus, ut Vicarius substitutus à Generali pro Capitulo Prouinciali celebrando locum Generalis teneat postquam Capitulo congregato per Prouincialem ad hunc effectum patentes litteræ sue substitutionis lectæ fuerint usque dum Capitulum fuerit absolutum. Vicarius Generalis, tam in Capitulo Prouinciali, quàm in Vistationibus possit vices supplere ipsius Generalis &c.* = Tres namque casus deputatationum Vicariorum considerat ipsa Constitutio. Primum indeterminatæ delegationis in verbis suprâ recensitis declaratum. Secundum pro Capitulo Prouinciali. Tertium pro Vistationibus, prout in verbis mox relatis, restrictionem verò tantum patitur in secundo casu, & ideò non valet extendi ad primum indefinitè prolatum, quod proindè remanet in sua libertate ad nutum iuxta verba suprâ relata; ex hoc namque claro modo diuersè statuendi clarè apparet diuersa mens statuentium, restringendi nempe in secundo, at non in primo ad vulg. reg., de qua cæteris relatis Rot. decis. 188. num. 4. coram Emerix Iun., quæ casuum, ac respectiue dispositionis diuersitas in eis euidenter detegitur ex eo, quod nunquam in Sardinia, & Corsica celebrantur Capitula Prouincialia, vnde sicut restrictio ad actum Capituli verificari non potest in istis, ita patet ad oculos, quod nec ipsa restrictio sit admittenda in Hispania, & alijs Prouincijs sub eadem enunciativa in Constitutione cum Sardinia, & Corsica relatis obstante alia vulgata regula, quod posita sub eadem determinatione diuerso iure non censeantur, de qua plenè ad Text. in l. nam hoc iure ff. de

ff. de vulg., & pupill., Rot. decif. 662. numer. 8. coram Emerix Iunior.

Et ratio ipsa fundamentalis diuerſitatis dd. caſuum diuerſitatem quoque diſpoſitionis in eis oſtendit; ea nempe de cauſa apparet reſtriſta iuriſdiſtio Vicarij pro Capitulo, ſeu Viſitationibus deputari ad ſolum tempus actus Capituli, ſeu Viſitationis explendi, quia de iure delegati ad certum, & determinatum actum, expleto actu, ceſſat delegatio; ſed ubi delegatio non reſtringitur ad aliquem actum particularem, ſed fit ad aliquam actuum vniuerſitatem abſq; tempore præſinito, tunc delegatio aliam non patitur reſtriſtionem, quam illam volûtatis delegantis, quæ de iure cum nullibi coarctata reperiatur, ideò nec illa P. Generalis coarctata dici poterit in hac Conſtitutione indefinitè loquente, quæque ad terminum iuris communis eſt intelligenda, à quo paſſiuam cogitur interpretationem recipere, ad *Text. in l. 2. C. de noxal. action., Dec. conſ. 75. ſub nu. 1. circa fin., Panimoll. decif. 134. num. 15., Rot. decif. 757. num. 5. coram Dunozet. Iun., ubi concordan.*, adeò ut ſi per impoſſibile dubia dici poſſet, ſtante dicta libertate delegandi de iure communi ei competentis tamquam Ordinario totius Religionis, cum reſtriſtio conſtitutionis benè verificari poſſit in ſolo actu Capituli, ſeu Viſitationis, ſatis hoc eſt ad eam explendam, abſque eo, quod extendatur ad facultatem indefinitam coarctandam cum in huiusmodi particulariſbus ſanctionibus ſemper ea capi debeat interpretatione, quæ minus lædat ius commune, ad tradita per *Panimoll. decif. 134. n. 16. Rot. decif. 398. num. 9. coram Gregor.*

Minuſque exceſſiſſe proprias ordinarias facultates P. Generalem dici poteſt in hac deputatione, ex eo quia tantum ab ipſa Conſtitutione ei permittatur *iuſtis de cauſis impedito alijs vices ſuas committere*. Ideòque niſi conſtet de cauſa iuſta non videatur deputationem poſſe permitti; Tùm quia iuſtitia cauſæ impeditenti reſpoſita eſt in eius voluntate, quam nec alteri pandere, & multò minuſ ſuis ſubditis de ea reddere rationem tenetur cum ſit Princeps ſuæ Religionis, ut docet *P. Rodriquez tom. primo queſt. 68. artic. 3., P. Lezzan. conſult. 39. num. 16., P. Bordon. controu. 45. num. 4.* cuius proinde aſſertioni ita ſtandum circa iuſtam cauſam, ad *Text. in clem. 1. de Prob. l. ſin. C. de leg. Vt nec etiam probatio in contrariu admittatur, Natt. conſ. 447. n. 41. Valenzuol. conſ. 4. à nu. 116., Valeron. de tranſact. tit. 4. q. 2. n. 21. Altimar. ad Rouit. conſ. 15. nu. 13. Garz. de Nobilit. S. 2. art. 20. Oſaſch. decif. 88. nu. 26.* Tùm etiam, & abſque vlla difficultate, quia, dato quod teneretur patefacere, (quod tamen non poteſt dari in iure citrà veri præiudiciu, ex dicta ratione, quod Superior non tenetur reddere rationem ſuis inferioribus ſubditis,) attamen cum in eiſdem Conſtitutionibus Ordinis ipſi P. Generali tribuatur facultas concedendi Dimiſſorias, ut promoueantur ſui Religioſi ad Sacros Ordines ſi ſibi viſum fuerit,

rit, & ad Confessiones audiendas, necnon iudicādi in prima instātia causas grauissimas, ac insuper negligentijs inferiorum Superiorum supplēdi addatur onus, & hæc omnia minimè in Prouincijs longinquis explere possint, nisi mediante Vicario Generali, qui eum certioreret de statu totius Prouinciæ, & iuxtā indigentias promptè succurrat sic per alium faciēdo ipse, quæ per seipsum facere nequit, adesse sanè causam iustissimam quoque apparet apertè, & tamen sufficeret, quod itā ipsi P. Generali videatur ad hoc, vt ad deputationem deuenire possit; nam cum nullibi definitæ legantur tales causæ, causarum declaratio remanet in arbitrio ipsius P. Generalis, cum ad eum spectet dubia constitutionum interpretari, tūc ex ipsis Constitutionibus sub *Cap. 43. ad med. ibi = Declarationi Prioris Generalis stare cogantur*, = prout in simili obseruat *P. Lezan. consult. 10. num. 23.*, & generaliter *Portell. dub. Regul. verb. Generalis num. 6.*, tūc quia cum nec nullibi prohibitum ei legatur quin possit, mediante aliquo Delegato, certiorari, ac instructum reddi de statu suæ Religionis in partibus Ultramontanis; meritò nec deputatio Vicarij Generalis ad nutum ad hunc effectum ei impediri debet, cum ea omnia tanquàm Princeps facere possit, quæ non sunt ei prohibita, vt cæteris relatis *P. Lezan. consult. 39. n. 17.* Principi autem sufficere causam allegare, vt indè iusta præsumatur, benè *Valleron. de transact. tit. 4. quest. 2. nu. 21.*, *Altimar. ad Rouit. dict. cons. 15. num. 13. in fin. lib. primo.*

Et de facto deducta ad examen fori contentiosi huiusmodi interpretatio coram clar. me. Card. Pallotta Ordinis V. Protectore vsque de anno 1640. ad instantiam Prouincialis Neapolis tunc eam impugnantis, canonizata fuit, per Sententiam definitiuam in iudicatum transactam declarantem *P. Priori Generali pro tempore existentis licuisse, & licere, eo absente, Vicarium Generalem suo loco subrogare, & deputare, qui omnimoda eius potestate, & iurisdictione ubique locorū, (illa tantū excepta Prouincia, in qua ipse Prior Generalis pro tempore reperietur) fungatur, & potiatur, & prout latius hic in ea in calce relata.* Quæ quidem sententia non solum vtī prolata à Card. V. Protectore, qui supremus est Iudex recursuū in hac Religione ex speciali Constitutione Clementis Octauī, vt refert *Card. de Laurea in suo Epitome Canon. verb. Ordo Seruorum B. M. vers. penult.*, & idè videatur obseruanda tanquam illa Regis in suo Regno, quæ habetur pro lege, ad tradita per *Afflic. decis. 93. Franc. decis. 238. num. 2.* Sed fortius, quia est super statum, quæ facit ius quoad omnes, *l. ingenuum, ff. de stat. homin., Rota decis. 108. num. 2. par. 16. decis. 31. num. 9. decis. 41. num. 8. part. 19. Rec. Romana Pratiy. Palaty 27. Aprilis 1678. coram Vicecomite, & cum sine oppositione in rem iudicatam transierit, tanti est, vt non ampliùs questio per eam soluta valeat in dubium renocari, iuxtā resp. *Vulp. in l. 34. in fin. ff. de leg. 8. & omis. alijs benè docet cl. me., Card. de Luc. sub tit. de Regul. disc. 19. n. 6.**

Con-

Concurrente præsertim obseruantia tam antè,quàm post ipsam rem-
indicatam optimè consonante hanc nostram Constitutionis inter-
pretationem omnimodam liberam facultatem P. Generali conce-
dentem; quæ obseruantia non solum remanet probata ex conti-
nuâ permanentia Vicarij Generalis in Germania, Corsica, & Sar-
diniâ, quæ sanè sufficeret ad retinendam iurisdictionem in totum
ad Theor. Bart. in leg. 1. §. Si quis hoc num. 1. ff. de itiner. act. priu.
Rota. decis. 333. num. 14. & seqq. part. 13. recent. Bononien. Primi-
tiarum. 30. Ianuarij 1665. §. Nec resistit. coram bon. mem. Albergato,
sed fortius quia in indiuiduo Prouinciæ Hispaniæ nec exaduerso
negatur sed ingenuè fatetur, ideòque quatenus etiam aliqua du-
bieras, quæ non adest, adesse posset, sublata penitus ab hac indiui-
duali obseruantia remanet, *vt plenè docent ad Text. in leg. si de in-
terpretatione ff. de leg. & leg. sed & Iulianus §. Proinde ff. ad Ma-
cedon. Gonzalez super Reg. 8. Cancell. gloss. 1. §. 7. num. 135. Tur-
ricell. de union. Benefic. cap. 3. num. 177. in fine Rota coram Mer-
lin. decis. 803. num. 12. coram Dunozet. iun. decis. 937. num. 27. &
melius decis. 366. num. 17. & decis. 65. num. 12. par. 15. recent. &
decis. 766. num. 3. & 7. par. 17. recent.*

Non releuante prætenso præiudicio P. Prouincialis, cuius iurisdic-
tio, quam omnimodam in tota Prouincia habet non videatur tur-
banda, cum possit per eum certiorari Pater Generalis, ac eius
mandata exequi, absque eo quod opus sit recurrere ad deputatio-
nem Vicarij Generalis potissimè stantibus scandalis, quæ ex tali
deputatione oriri possent, & quæ proindè semper euitanda. Quo-
niam quoad prætensum præiudicium iurisdictionis Pater Prouin-
cialis Aduersarij obiectum cessat in facto, & in iure, in facto nem-
pe, quia nullum præiudicium demonstratur, nec demonstrari po-
test, ex eo quia cum iurisdicção Vicarij Generalis sit in aliqua
Prouincia satis diuersa ab illa Prouincialis in eadem Prouincia,
ex quo iurisdicção Vicarij Generalis in illa Prouincia est eadem ac
illa Generalis in tota Religione; est namque tamquam Genera-
lis in illa, eius iurisdicção non tangit illam Prouincialis quamuis
inferiorem, ideoque verè, & realiter nullum præiudicium infer-
tur per huiusmodi deputationem Vicarij Generalis in sua Prouin-
cia, quia iurisdictiones non confunduntur ad tradita per *Passarin.
de elect. cap. 25. num. 220.* In iure autem, quia prætensum præiui-
diciũ tanti non est vt auferre valeat liberam facultatem depu-
tandi Vicarios Ordinarijs in iure prout quotidie videmus, quod
licet Archidiaconus, & Archipresbyter sint Vicarij nati Episco-
pi, nihilominus si minùs idonei, vel minùs sibi affecti, vel ex ali-
qua quacumque causa non placent, solent Episcopi, quibus Præla-
ri Religionum comparari notum est, deuenire ad deputationem
Vicarij Generalis, non curato præiudicio illorum vt praxis quoti-
diana demonstrat, & obseruat *Barbos. de potestate Episcopi. par. 3.
all. 14.*

all. 14. num. 16. & seqq. clar. mem. Card. de Luca de Benef. dis. 46. num. 5. & 6. & de præbemin. disc. 20. num. 9. & 10. & alibi.

Quo verò ad scandala, corrui pariter obiectum in facto, & in iure: in facto, quia nullibi probantur, prout plenis iustificationibus probari deberentur, cum aliàs si assertionibus recurrentium standum esset, inutilis esset iudicantium labor; & quatenus etiam probarentur in facto nil pariter ad intentum deseruirent in iure, nam si timor dissensionum inter Religiosos, quinimò dissensiones ipsæ tanti essent, vt possint tollere facultatem à Constitutionibus superiori attributam actum esset de regulari disciplina, cum nimis facilis, & familiaris via effugiendi superiorum auctoritatem eis aperiretur, & potius quàm pœna, præmium quodammodò de ipso scandalo consequerentur contrà monitum ipsius Saluatoris apud *Matth. cap. 18. Neceffe est enim, vt eueniant scandala, veruntamen vob. Homini illi per quem scandalum venit*, quod latè ex nostris expendunt *Couarr. in cap. peccatum in par. 1. §. 1. num. 7. de reg. iur. in 6. Menoch. de arbitr. cas. 516. num. fin.*

Arque hinc vindicata itaque à contrariorum ratiocinijs libera facultas P. Generalis deputandi huiusmodi Vicarios, absque vlla restrictione facilius tolluntur auctoritates ex aduerso laudatæ. *Capon. namque discept. 214. sub num. 5. agit de Vicarijs Prælatorum, & tantum disputat an illi possint subdelegare, & Passarin. de elect. cap. 25. sub num. 220. agit de Vicarijs Prouincialium, & quando dicantur isti Prælati, ideoque nil releuant aduersus nostram assertionem, quod nempe possint fieri Vicariorum Generalium deputationes in Hispania, Germania à Patre Generali ad nuntum nempe tanquam Principe suæ Religionis, qui vult de statu illius in dictis Prouincijs per organum personæ sibi notæ ac probatæ experientiæ instrui. Resolutio verò Sac. Congregat. relat per Nicol. in Floscul. Vic. Generalis sub num. 4. vers. deputare &c. minus afficit, vltra quam quod enim, post decretum san. mem. Urbani VIII. debent huiusmodi resolutiones authenticè produci ad hoc vt legis vim obtineant iuxta notat: per Pasqualig. decis. moral. 85. & decis. 86. utrobique num. 7. Pellizar. Manual. Regul. lib. 1. tract. 4. cap. 4. nu. 108. Ciarlin. controuers. 227. num. 4. Nicol. lucubr. par. 1. lib. 1. tit. 10. §. ultimo num. 76. & in Floscul. Sacra Congregatio §. Sed tamen sub num. 2. Barbos. de iur. Eccles. cap. 4. nu. 83. lib. 1., quia tunc dicuntur nomine Sacre Congregationis promulgari, aliàs enim simpliciter per Authores relatæ in eorum tractatibus, cum non sint nomine Tribunalis editæ non attenduntur, vt obseruat de alijs iudicatis generaliter *Bellon. iun. conf. 65. nu. 56. ad med. & de ijs Sac. Congregation. Engel. ad ius Can. in probem. num. 15. clar. me. Card. de Luca disc. 1. num. 17. annot. ad Sac. Concil.*, quando etiam originaliter ostenderetur nil ampliù afficeret cum sint in casibus aliarum Religionum, vt legenti patet, in
qui-*

quibus ex alijs circumstantijs moueri poterant EE. PP. ad ita respondendum, cum ipsi non generaliter sed sæpe sæpius ad opportunitatem præcisam causarum respondent, vt tradit ipsa Sac. Congreg. Concilij in Decret. relat. per *Barbos. vbi supra*, & obseruat *P. Bissius in Miscell. moral. tract. 1. num. 150. Donat. rer. regular. tom. 1. tract. 8. quæst. 4. à num. 16. & seqq.* non valet ex eis certas, & determinata statui regula generalis ad decisionem aliorum casuum, vt ad rem ponderat *clar. mem. Card. de Luca in disc. 1. annot. Sac. Concil. num. 11. & seq. & de regul. disc. 72. num. 3. & disc. 77. num. 3. vbi in specie de recollet. per Nicol. in Floscul. & alib. Portell. tom. 1. resp. moral. 31. num. 3.*

Franciscus M. de Campello Adu. Alexander Palutius.

*Ioannes Baptista tituli S. Syluestri in Capite S. Rom. Ecclesiæ
Presbyter Card. Pallottus nuncupatus.*

In causa deputationis Vicarij Generalis in Prouincia Neapolitana, coram Nobis introducta inter admodum R. P. Priorem Generalem Ordinis Seruorum Beatæ Mariæ, & P. Prouincialem, & alios Fratres dictæ Prouinciæ Neapolitanæ eiusdē Ordinis, visis scripturis, & allegationibus hinc inde deductis, & auditis Procuratoribus, & Aduocatis pro vtrâque parte informantibus, visisque videndis, & consideratis considerandis. Dicimus, decernimus, & declaramus, Patri Priori Generali præfato, ac pro tempore existenti licuisse, & licere, eo absente, Vicarium Generalem suo loco subrogare, & deputare, qui omnimoda eius potestate, & iurisdictione vbique locorum (illa tantum excepta Prouincia in qua ipse Prior Generalis pro tempore reperietur) fungatur, & potiatur ac propterea ralem deputationem factam, seu faciendam in præfata Prouincia Neapolitana legitimam, iuridicam, & canonicam fuisse, & fore, Fratresque omnes, ad quos spectat, Vicario Generali, vt præferatur deputato, seu pro tempore deputando, ad obedientiam præstandam iuxta formam suæ Delegationis obligatos fuisse, & fore decernimus, & declaramus, Datum Romæ hac die 4. Iunii 1640.

*Sententia
clar. mem.
Card. Pal-
lotta V.
Protecto-
ris.*

I. Baptista Card. Pallottus V. Protector.

Loco ✕ Sigilli.

Petrus Sanctes Quatrinus Secretarius.

SACRA CONGREGATIONE

Episcoporum, & Regularium

Emo, & Rmo D. Card:

GABRIELLI

Barchinonen.

PRO


A. R. P. M. Laurentio Raymundi

Ord. Seruorum B. Mariæ Virginis


CONTRA

A. R. P. M. Felicianum Melich Pro-

cialem Prouinciæ Hispaniarum
eiusdem Ordinis.



Restrictus Facti, & Int-



Romæ, Typis Reu. Cam. Apost.

Superiorum permisso.